

**Zeitschrift:** Annalas da la Societad Retorumantscha

**Herausgeber:** Societad Retorumantscha

**Band:** 40 (1926)

**Artikel:** La partida spagnola crescha e victorisescha 1597-1639 : Luzi de Mont ; Dr. Mathias Sgier el combat viers ils "Franzos" tochen 1673

**Autor:** [s.n.]

**DOI:** <https://doi.org/10.5169/seals-197941>

### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 11.08.2025

**ETH-Bibliothek Zürich, E-Periodica, <https://www.e-periodica.ch>**

## 2. La partida spagnola crescha e victorisescha 1597—1639.

### Luzi de Mont; Dr. Mathias Sgier el combat viers ils „Franzos“ tochen 1673.

Igl ambassadur spagnol *Casati* e siu gidonter Giulio della Torre sco representants de Milaun gaudan gia 1597 la confidanza dil cauderschader *Gallus de Mont*, che stat aunc 1587 sillla gliesta franzosa, e la familia de Mont fundescha e meina da cheu naven tras decennis la partida. Gallus de Mont anfla lu in successur el canoni *Sgier* e silsuenter in tal en la persuna de *Gion Gudegn Capol de Flem*.

Gia 1597 tarmetta Casati ses amitgs en las vischnauncas e sils cumins, per intervegnir, co ins pertratgi sul retg de Spagna, ed in meins pli tard, ii settember 1597, sesan Gallus de Mont, lu gubernatur dellas tiaras subditas, ed igl ambassadur Casati ensemble a Sondrio e pondereschon sur *in' allianza dellas Ligias cun la Spagna*, e 1601 quentan ins a Milaun sin 1000 adherents en la Rezia; malgrad quei bi progress di igl ambassadur franzos *Méry de Vic*: nus havein tschien „Franzos“ encunter in „Spagnol“. Senza dubi ha Gallus de Mont ina gronda partida en Surselva davos siu dies, pertgei el ei in menader, che gauda gronda quida. Perquei damonda la Frontscha 1602 cun empau sterment la renovaziun dell' allianza de 1587, e Bellièvre, il vegl diplomat, di ussa tut humiliaus: ei drova per l'emprema daners, per la secunda puspei daners e per la tiarza aunc inagada daniers. E la summa de 17,350,000 livras, furnidas da 1598—1607 en Svizzera ed el Grischun, ha quels dis aunc operau cun forza ellas Ligias. Da l'autra vart fuga Casati. El di, ch'il papa vesì nuidis quell' allianza cun la Frontscha; el fa dumandar ils Grischs ton dalla Frontscha, ch'el spera, che quella sappi buca conceder, quei ei: ina allianza separada (senza la Svizzera), in agien regiment en Frontscha. Quellas pretensiuns paran memia grondas. *Gallus de Mont* ed ils ses opponan e vulan buca dar al retg de Frontscha liber pass e repass. *Méry de Vic*, igl ambassadur, vesa il prighel, el lai ruclar ils daners ed envida tier ina dertgira nauscha. Co ins fetschi ina tala di in ambassadur: ils purs audan bugent resdar, ins stoppi prender als „tgaus gross“ la pusseivladad de midar la buna, veglia constituziun, ni de sfalsificar las votaziuns ed engular daners, lu mettan ins in dils pli malezius sco menader alla testa

dil pievel, e lai menar la barca. Era quella gada marscha il pievel; 6—700 umens arrivan a Cuera, igl ambassadur tegn tabla aviarta en las ustrias, l'allianza cun la Frontscha vegn acceptada e Giulio della Torre sto fugir tier igl uestg — ussa era „spagnols“ —. Il pievel raspau vul better della Torre ord da fenestra, e de Vic sto quietar ils purs. Aunc ina gronda victoria politica ha aschia la partida franzosa, surtut en Surselva. Gallus de Mont sto sco Landrichter signar l'allianza, mo el scriva a Milaun, el temi, ch'ils Sursilvans vegnien a far vendetga per sia suttascripziun. Aschi variabla para l'aura politica.

Mo de Mont mira quasi anavon el temps ed ha en quei senn raschun. Era en la Ligia grischa semidan las relaziuns. La Spagna gauda pli e pli criedi. Dasperas exista aunc adina ina ferma partida franzosa, surtut a Mustér culs Castelbergs e de Florins. Cheu arriva *Gian Batt. Sacco*, il niev emissari de Milaun; el va de vitg en vitg, tier prers e signurs e purs e drova daners ed empermischuns, malezia e nauschadad encunter la Frontscha e ses amitgs; ed ils „Spagnols“, bein honorai e pagai, meinan il schaner 1603 las bandieras a Cuera, per far dertgira nauscha. Leutier damondan els ina nova constituziun, tenor la quala igl uestg dovess haver otg representants ella dieta, e la partida spagnola menass lu la bitgetta en las radunonzas tras siu pli dellas vuschs.

En medem temps piarda il retg de Frontscha Heinrich ils IV pli e pli igl interess per las Ligias. Dil plan d'acquistar Milaun desista el; mo ina caussa ei ad el aunc d'impurtonza, la schuldada, e da quellas varts sa el sefidar sin biars en Surselva, surtut sils Castelbergs, Florins, Cabalzars e. a. Da quella situaziun profitescha Veniescha, gl'amitg della Frontscha, e damonda 1603 in'allianza e truppa e formescha cun gronds cuosts ina partida, surtut ord las vischnauncas reformadas ella Ligia sura. Il guovernatur de Milaun, irritaus sur tut las truschas franzosas e surtut sur las venezianas, drova la forza, ed ussa van quels nauschs dis anen, che humiliteschan il pievel dellas treis Ligias, e meinan el plaun e plaun tras stermentus viriveris en vergognusa *dependenza da Milaun*.

Il guovernatur *Fuentes* baghegia 1603 ina fortezia all'intrada en Valtelina, periclitescia cheutras las tiaras subditas, fa leutier menar tutta rauba mercantila sur il Gotthard e privescha ils vi-

schinadis sper la via dil Spligia d'ina intrada de 100—200,000 talers. Ils Uranez pon rir. Ils „Spagnols“ ella Ligia grischa, *Luzi de Mont*, ils de Schoms e Spligia e. a. vulan tractar cun Fuentes; ina deputaziun va a Milaun e segna ina convenziun, che dat las vias alla Spagna. Veniescha, la Frontscha, ils Confederai rogan de buca sebetter en la bratscha de Fuentes e Milaun, mo la fadigia sper la via, ils prezis della biestga, che mava a Milaun, las pensiuns spagnolas e la confessiun — tut operescha. 1604 smanatscha la Frontscha de buca pagar pli las pensiuns; Milaun tegn mo pli la dira, e las Ligias segnan aunc il medem on (1604) ina convenziun, emblidond ils zechins retscharts da Veniescha e las empermischuns fatgas 1602 alla Frontscha. Mo ils daners de Veniescha tonschan de far dismetter quella. Sin quen de Veniescha e Frontscha (3000 e 5000 talers il meins) van truppas grischunas en Valtelina, per defendere la tiara subdita. La Surselva „spagnola“ protesta. Ils umens de Sursaissa, Laax e Lumnezia ed ord la Cadi van ils dus e treis de mars armai a Cuera; quella gada paga la Spagna, mo *Paschal*, igl ambassadur franzos, fa levar sia partida; ils „Franzos“ vegnan a Cuera e meinan dus „Spagnols“, Beeli e Baselgia, alla mort. Tochen 1611 ha il guvernatur Fuentes, nauschs e garmadis sco el era, impediù de vegnir tier ina pasch. Siu successur haveva negin plascher giud la fortezia de Fuentes e la moda de far rapina en las tiaras subditas dils Grischuns. El vuleva era vias aviartas, mo la pasch. Era Paschal arriva da Paris e fa tutta breigia, per better ils Venezians ord la tiara, annullar l'allianza ed anflar ina via tier la pasch; pertgei la Frontscha vul schuldada. Ils „Spagnols“: *Rud.* e *Pompeius Planta*, ils *Schorsch*, *de Mont* etc. sustegnan ussa Paschal. Giovanni Schorsch, in de quels scrocs politics, che stat sin las gliestas de pensiuns secretas de mintga pussonza, va a Milaun, e Casati offerescha in' allianza, sch'ins surdetti las vias reticas de transit alla Spagna. La dieta a Tavau snega quei, mo ils 26 de fevrer 1612 annullescha ella cun 58 de 66 vuschs l'allianza cun Veniescha. Dus onns de riuas suondan; lu retuorna Veniescha (*Padovino*) e vul l'allianza e truppas, la Frontscha protesta. Mo *Padovino* fa translatar ils bein unschi scarvons dellas Ligias la protesta aschia, ch'ella tuna sco in' approbaziun. Ils scarvons ston vegnir en schanuglias avon igl ambassadur franzos (*Gueffier*) ed en presenza de Padovino e sis deputai rugar per perdun per lur scrocheria. — En

medem temps protesta era Casati e damonda in' allianza; puspei victorisescha la buorsa franzosa. Casati va a Milaun ed interrumpa tut commers cun las Ligias. Nunditgont quellas difficultads concludan las treis Ligias: nus tenin l'allianza cun la Frontscha, e Padovino deigi bandunar la tiara. El va buc. Ils predicants e Bern e Turitg, e 100,000 zechins gidan. Bein marschan ils „Spannols“ ord Surselva a Cuera tier ina dertgira nauscha, ils predicants concludan a Bergagn ig! avrel 1613 in' allianza cun Veniescha, vulan ruinar igl uestgiu ed ereger ina scola a Sondrio, per propagar la reforma. En quei senn marschan las bandieras pagadas da Padovino a Tusaun tier l'enconuschenta dertgira nauscha, propagheschan in manifest encunter la Frontscha e ses ambassadurs, che deigien vegnir bandischai ord la tiara e meinan Rusca, sco unfrenda spagnola alla mort \*).

Pér quels eveniments, la politica dils predicants e lur partisans venezians, uneschan las parts catolicas della Ligia grischa pli tier ina ferma partida spagnola, che meina da cheu daven la bitgetta.

La partida veneziana, che seveseva tradida dalla Frontscha, haveva la mira de propagar la reforma, sefar politicamein independenta dalla Spagna e quei cun agid de Veniescha. Alla testa stava *Giacun Gioder de Casut* a Glion. La partida spagnola tendeva al manteniment e la regeneraziun della confessiun catolica e quei cun agid de Milaun e digl imperi. Era economicamein e politicamein vuleva ella viver en allianza cun Milaun, e havend Milaun la pusseivladad de serrar il commers sur il Spligia, sche ein era ils cumins sper via gleiti s'attaschai fermamein alla partida spagnola. Cun la dertgira nauscha a Tusaun 1618 carteva la partida veneziana de smardigliar la cunterpart, e quella ha era pitiu grevamein. Biars partisans spagnols sco ils dus Plantas e Luzi de Mont han stuiu fugir ord la tiara. Las reproschas, ch'ils predicants figevan a *Pompeius Planta* e *Luzi de Mont*, els seigien pagai dalla Spagna, eran giustificadas. Casati sesurveva de Luzi de Mont per tuttas tractativas cun ils cantuns catolics e cun igl avat Bistgaun de Castelberg (1614—34) a Mustér e l'entira Surselva. Planta, in stermentus ranver, cun ina luschezia e gar-

\*) Ils detagls dils eveniments ord quels onns ein resdai en auters loghens. (*Hafter, E. Georg Jenatsch, Rott etc.*)

maschia nunsurportabla, crudeivels, malgiests e fauls, sco di Paschal, retergeva grondas summas, per operar el senn de Casati e Milaun (e parter culs partisans). Da mintga maun regevan il medem fanatismus, la medema pissiun ed ils medems miets, miets de partida de quei temps. Sco risposta sin las proceduras de Tusaun cloman P. Planta e Luzi de Mont cun daners spagnols lur partisans tier las armas. Els peggian Giacun Gioder de Casut, il president della dertgira nauscha a Tusaun, marschan cun el a Cuera (matg 1618), annulleschan tuts conclus de Tusaun e damondan perdun a Paris ed il retuorn dils interprets franzos. Igl ambassadur franzos vuleva aunc far castigiar ils umens de Tusaun. Denton rimnan ils Venezians lur roschas e vegnan da sut en si a Zezras e lu a Cuera, e puspei ei *alla fin digl onn 1618 la partida protestanta-veneziana alla testa.*

En Surselva ha ins buca midau opiniun, ed ins senta cun plascher, che la Frontscha lavura pli ferm encunter Veniescha ed ils umens de Tusaun. Ins dat ussa recruta per la garda a Paris, e la fin d'avrel 1619 van ils agents de Frontscha (Molina e Paul) a Mustér, Sursaissa, Lumnezia e Laax, porschan de pagar las pensiuns aunc restontas e leventan ils purs tier ina nova botscha a Cuera (matg 1619), ed ils „Spagnols“ bandischai speran ussa de saver returnar a casa\*).

Veniescha ha denton continuau las practicas; per mintga prezi vegnan las vuschs cumpradas ella Ligia grischa, per far Caspar Schmid de Grüneck cauderschader (il matg 1619). Il settember s'aulzan lu ils Venezians, e puspei vegnan els en possess dil domini. Ussa madirescha en Surselva ed a Milaun pli e pli il pertratg d'ina separazion della Ligia grischa dallas outras duas. Il schaner 1620 serimna a Glion ina dieta separada della Ligia grischa, che representa quella tendenza. La Frontscha vul intermediar ed impedir quei. Cuort sissu s'accordeschan la Spagna e la Frontscha, de combatter ensemene la partida veneziana ed attaccar las Ligias e la partida veneziana da tuttas varts. En medem temps deigien ils „Spagnols“ en Surselva marschar a Cuera e

\*) Ord ils quens de Casati: ils 18 d'avrel 1618, al Landrichter Luzi de Mont 36 scudis per spender sin in viadi en survetsch dil retg de Spagna, fa 266 liras; a Pompeius Planta 50 dublonas de Spagna a 10 liras de Spagna, per spender en survetsch dil retg de Spagna ella caussa «comune» 9250 liras, e 1619 a Pompejus Planta «per spender» sis melli scudis fa 36 000 liras, al Landrichter Luzi de Mont, per portar agl avat de Mustér 1875 liras.

sepatrunar dil regiment. Era ils bandischai (ils Plantas e Luzi de Mont) confereschan a Solothurn en quei senn cun la Frontscha. La partida veneziana vegn avertida, mo adumbatten. La Spagna surdat l'emprema attacca a *Robustelli*, in parents dils Plantas; el instradescha il fenadur 1620 la sgarscheivla massacra en Valtelina. Gia ii zercladur haveva Casati entschiet l'acziun en Surselva\*).

Igl avat de Mustér ha survegniu daners per effectuar l'interpresa en siu cumin e Luzi de Mont ina gronda summa per la Lumnezia. Era igl ambasadur franzos ha dumandau dagl avat, ch'el gidi d'isolar ils catolics dals protestants ed animeschi ils cantuns catolics de rumper culs de Turitg. E la part catolica della Ligia grischa tractescha ussa aunc cun pli gronda premura cun Milaun sur *la damonda d'ina separaziun della Ligia sura*, sperond adina, ch'ils subdits vegnien a sereconciliar cun ils catolics ed ubedir ad els, e Milaun vegni en tuts graus ad esser gideivels a sia partida ella Ligia grischa, ed aschia stat alla fin digl onn 1620 la Ligia sura encunter las duas outras. Il schaner 1621 muos-san ils „Spagnols“ en Surselva aviartamein, ch'els mundien lur via e tracteschen cun Milaun davart la restituziun della Valtelina. Igl emissari *Visconti* de Milaun arriva a Glion, va a Mustér tier gl'avat, a Schluein (de Mont) e Villa per tractar sur in contract davart la restituziun della Valtelina, che las otras duas Ligias deigien lu simplamein acceptar. Visconti stiarna daners, el paga las „bandieras“ sut las armas, era ils tschun cantuns catolics (5000 umens) e secasescha lu a Razen. Il menader digl entir moviment ei aunc adina Luzi de Mont. El va a Lucerna, tractescha culs Confederai catolics, retscheiva las summas daners de Milaun e lavura cun stermentusa pissiun viers la partida veneziana. Il mistral *Gisi Sonvico*, Landrichter *Gion Simeon Florin*, *Rudolf de Marmels* (Vella), capitani *Gion Coray* de Laax,

\*) Puspei plaidan ils quens de Casati: 1620 al Landrichter de Mont 195 liras; ils 23 de zercladur agl avat de Mustér per distribuir en siu cumin per effectuar «l'interpresa comune» 900 liras; ils 4 de fenadur a Luzi de de Mont per muschetiers de Lumnezia, vegni cun las bandieras ord Lumnezia, ils 14 de fenadur agl avat de Mustér 600 liras; ils 31 de fenadur a Luzi de Mont per muschetiers de Lumnezia, vegnî cun las bandieras ord Lumnezia, 6000 liras, agl avat de Mustér per ils 1000 umens ord il cumin de Mustér 6000 liras, agl avat per munizun 840 liras, al Landrichter Luzi de Mont, per sustener las truppas della Ligia grischa ella campagna 120 liras.

*Giacun Jacumet de Mustér ein raspai a Glion entuorn Luzi de Mont ennamiez ils umens en armas. Tut va sin cuost de Milaun\*).*

Ils Venezians vesan il prighel; ina separaziun dalla Ligia grischa, sustenida dagl uestg, mettess la Spagna en possess dellas vias, eliminass la reforma e surdess las outras duas Ligias all'influenza, sche buca al domini dell'Austria, surtut Portenza, Tavau e Giadina bassa. *La partida veneziana* sevolva perquei tier la Frontscha e quella di: gie! sche vus desistis da Veniescha, dein nus agid. Quei fan ils Venezians, e Gueffier gida ussa tier la sullevaziun *dils adversaris* de Spagna. Pompeius Planta vegn assasinaus (15 de fevrer 1621), lu catschan il adversaris de Spagna Visconti ord Razen ed ord la tiara, van tras la Surselva, catschan ils umens dils V cantuns ord la tiara e sforzan la partida, de desister da lur contract separau cun Milaun. La partida spagnola ei a funs. Duront quella acziun brischa la claustra; ils protestants gidan stizar e survegnan il public engraziament digl avat de Castelberg. Spagna e Frontscha siaran ils medems dis a Madrid

- \*) Ord ils quens de Casati de 1621, 1622 e 1629.
- 1621, il schaner, per sucorrere las 8 bandieras della Ligia grischa raspadas a Glion, ducats 4782,  
al Landrichter Luzi de Mont per il viadi da Glion a Lucerna en survetsch dil retg de Spagna en la caussa «comune», liras 180.
- 1621, ils 14 de schaner, allas 8 bandieras a Glion per disponer las caussas dil survetsch de Diu e dil retg de Spagna, per il sucuors ded 8 dis, liras 4966,  
al mistral Gisi Sonvico, in dils capos dellas sura numnadas bandieras, per il sucuors «perchè si fermasse presso dette bandiere come per il suo ricapito», liras 60,  
al capitani della mesa cumpignia ded Uors I. F. ducats 20, liras 120,  
al Landrichter Gion Simeon Florin, colonel ellas sura numnadas bandieras, liras 600.
- 1622, per «gavette di corda» cumpredas per il survetsch della Cadi, dublonas 29,  
a Gion Florin e Rudolf de Marmels per in viadi tier ina dieta a Lucerna en survetsch dil retg de Spagna e dils Grischuns, dublonas de Spagna 6,  
al capitani Gion Coray per far recluta, dublonas 20, liras 300,  
a Giacun Jacumet de Mustér per in viadi, dublonas 4, liras 60.  
al Landrichter Luzi de Mont per munizion a sia cumpignia en survetsch dil retg de Spagna, liras 124,  
al Landrichter Luzi de Mont, liras 1190,  
al Landrichter Luzi de Mont, per dar al decan de Mustér e parochians de Lumnezia e mantener il pievel en buna disposizium viers il retg de Spagna, liras 122, 19, 3,  
al capitani Paul de Mont per gidar entgins buns amitgs, scatschai dal pievel ord la tiara, liras 102,  
al capitani Gion Coray (?) de Laax per spesas ad Altorf, liras 193,  
a Paul de Mont per ira en sia tiara e disponer il pievel per il retg de Spagna, liras 114.

in contract sur la restituziun, che schendra era tier ils catolics en Surselva gretta. Denton concluda la dieta — ils Venezians e protestants han il pli — de marschar en Valtelina. La campagna sut il menader Gioder de Casut ei senza success. Sin quei conquista l'Austria la Portenza, e la Ligia grischa e la Ligia della casa de Diu tracteschan cun Milaun la vergognusa pasch (il schanner 1622), tenor la quala las Ligias secententan cun Clavenna, senza la Valtelina. Puspei ha in mumen la Ligia sura aspects de vegrir en sia posiziun predominonta de pli bauld, pertgei l'Austria vul annectar la val Mustair, Giadina bassa e Portenza. Per part cun talas speronzas acceptescha la Ligia sura il pact de Milaun. A Lindau tractescha igl archiduca sur ina pasch cun las Ligias; las X dertgiras speran adumbatten sin in bien plaid digl avat de Castelberg, ch'ei era presents. Ellas ston sesuttametter. Mo era en Surselva senta ins la reacziun e vesa cun plascher vegnend l'armada franzosa sut Coeuvres\*). Forsa meins sincers retscheivan igl uestg e siu clerus quella sillas portas dil marcau de Cuera; ella vegneva per deliberar las tiaras subditas.

En Surselva han duront ils onns 1624—37 omisduas partidas aunc manipulau vinavon en la politica. *Luzi de Mont* ha ils onns suenter sia disfatga de 1622 puspei acquistau sia influenza ni preponderonza de pli bau! e gudiu la confidanza denter ils catolics e la partida spagnola. Aschiditg sco l'armada franzosa sut Coeuvres batteva en Valtelina per la reconquista della tiara subdita (1624—26), ha la partida spagnola fatg neginas emprovas aviartas, de vuler dominar la politica. Richelieu, il minister-cardinal, che vegneva a Paris combattius per sia politica antispagnola, ha finalmein stuui surschar las Ligias all'influenza imperiala-spagnola (contract de Monsonio 1626), ed in'armada papala ha occupau la Valtelina. Puspei han ils „Spagnols“ regiu en las Ligias, tochen che la Frontscha ha 1635 formau treis regiments grischuns sin quen franzos e tarmess Rohan, per deliberar las tiaras subditas. Sper Gieri Jenatsch, il menader en ils eveniments de quels dis, ha la Ligia grischa giu *Conradin de Castelberg* alla testa dellas fitschentas. *Luzi de Mont* era culs Plantas staus in ferm e clar combattant per las tendenzas della Spagna. Empau auter *Conradin de Castelberg* cun colonel Florin, ils de Marmels a Vella, Gion Corai ed auters vegls partisans de *Luzi de Mont*

\*) Sur quei temps (1624—39) e ses umens cun autra caschun pli detagliau.

ord igl onn 1622. Lur politica ballontscha dapi 1624. Dad ina vart portan els per part risguards per interess personals sco offiziers franzos, da l'autra trai la simpatia per Milaun cun sias tendenzas contrareformatoricas, ed ils 6 de fevrer 1637 anflein nus Conradin de Castelberg, Gion Gudegn Schmid de Grüneck, Rudolf de Marmels, colonel Florin, colonel Cristof Rosenroll, Gion Schorsch, Christof Montalta, Gion Corai, Gion Guglielm Schmid\*) denter ils „frars concadenai“ (Kettenbund), che preparan sut Gieri Jenatsch de better Rohan ed ils franzos ord la tiara, e Gudegn Schmid, Florin ed il domcustos Bernardo Gaudenzi van a Milaun ad instradar tractativas, che meinan ils 3 de settember 1639 tier il capitulat e tier la dependenza da Milaun.

La Frontscha tegn adina en égl las Ligias, mo ella fa ad interim pintga breigia, per mantener ina partida, schegie ch'ei dat aunc adina amitgs de Frontscha en la Ligia grischa ed en Surselva. La gronda part dils protestants e dils catolics ein sesuttamess all'influenza spagnola, e la gliesta de pensiun de 1641 declara la situaziun\*\*).

\*) Il Landrichter Caspar Schmid a Glion e Rudolf Salis retscheiven 1629 22 dublonas per in viadi (330 liras de Spagna), mistral Gion Florin de Mustér 18 dublonas ni 179 liras.

\*\*) Ord ils quens de Casati 1641—1667. Per igl onn 1641 fa el suondontas expensas:

Agl uestg de Cuera 400 renschs (fiorini).  
Allas scolas 400 r.  
al vicari 200 r.  
a Cabalzar 100 r.  
al doctur Not (?) 60 r.  
al preposito Moro ed a Castelberg 80 r.  
agl avat de Mustér 200 r.  
als paders missionaris en tut 200 r. total 1640 r.

*Ella Ligia grischa:*  
al Landrichter Baliel 100 r.  
al Landrichter Conradin de Castelberg 300 r.  
al fegl de Conradin de Castelberg 50 r.  
a Barclamiu della Torre, staus podestad de Trahona 30 r.  
agl assistent Tumasch de Mont 25 r.  
a mistral Berther 40 r.  
a Landrichter Ulrich Calbergh 100 r.  
agl assistent Christ (fù) 20 r.  
a scarvon Giacun Berther 20 r.

*Lumnezia:*  
a Landrichter Rudolf de Marmels en uffeci 300 r.  
al frar dil Landrichter de Marmels 30 r.  
al mistral Teni de Val s. Pieder 60 r.  
al mistral Barclamiu Calberg (?) 40 r.  
al Bannerherr Cabalzar 25 r.  
als frars Arpagaus cul plevon Arpagaus 60 r.  
a mistral Tschegn (Cinque di) Caduff 40 r.

Las familias, che stavañ 1562, 65, 69 e 1587 en la pluralidad cun la Frontscha, ein ussa „spagnolas“. La confessiun ha tuttavia buca pli la muntada ella politica sco 1618 (Tusaun). Ils de Schoms e de Spligia retraijan tonta pensiun spagnola sco igl uestg de Cuera ed il dubel de quella digl avat de Mustér, ed ils Rosenrolls a Tusaun ed ils Juvaltas pauc meins, gie ils treis signurs Schmid a Glion (ensemen 600 liras) aunc de pli, ed era ils Montaltas a Glion, mistral Benedetg Capol e mistral Beeli a Flem stattan sper ils de Cabalzar e Corais a Laax, Rudolf de Marmels a Vella, il Collumberg a Morissen, Muggli e Federspiel a Domat e Tscharner a Cuera.

Tochen 1700 meinan ils divers *Casatis*, ambassadurs spagnols de Milaun el Grischun, la bitgetta e fan geraus, mistrals, cauderschaders, canonics ed uestgs. Gronds eveniments ord quei temps resda la historia buc; pertgei la Frontscha ha desistiu da sia mira sin Milaun, nua che la Spagna regia. Aschia vegnan las

al decan de Lumnezia 25 r.

*Glion:*

als treis sgrs. Schmid 600 r.

a dus sigrs. Montalta 200 r.

a sgr. Gallus de Mont, segner de Loevenberg 100 r.

al capitani Raget (Rechetto) Montalta 80 r.

*Uors:*

a mistral Luregn de Schlans 40 r.

al colonel Florin 300 r.

al Landrichter Christian Florin 200 r.

a mistral Giacun a.... (?) 25 r.

a Gion Giacun Florin 50 r.

*Flem:*

al mistral Benedetg Capol 25 r.

a mistral Beeli 25 r.

*Sursaissa:*

a mistral Gion Alig (Alech) 30 r.

*Laax:*

al cavalier Gion Coray 200 r.

a mistral Gelli Montalta 40 r.

als tschun frars Cabalzar 125 r.

*Razen:*

al signur de Razen 100 r.

a mistral Pieder de Bonaduz 30 r.

a mistral Muggli (Moccli) de Domat 70 r.

a mistral Federspiel 25 r.

*Valrein:*

al sgr. capitani Schorsch 400 r.

als nevs dil capitani Schorsch 400 r.

al cancelier (scarvon?) Toscan a Spligia 40 r. etc.

Ils Rosenrolls a Tusaun obtegnan 300, mistral Gregor de Planta a Cazis 40, Travers, Juvalta, capitani Jecklin 200 etc. La Ligia grischa total 7720 r. e las Ligias ensemens 17 963½ r.

Ligias buca en naùschas truschas, mo carplinas de tuttas uisas dat ei aunc adina avunda, duront che la Spagna ugadescha la tiara, surtut cura che la Frontscha vul far recruta en nossas vals ni era en damondas confessionalas.

Ina emprema e ualti lungurusa questiun ei quella dil domicil dils protestants en las tiaras subditas. Il capitulat de 1639, scamonda als protestants de vivei en quellas tiaras. *1641* il matg van ils sindicaturs sco usitau ad urentar las fitschentas ed uffecis en las tiaras subditas. Casati camonda ad els de procurar, ch'ils protestants bandunien la Valtelina. Ed en *Gion Simeon de Florin* de Rueun, che ha (1620, 23, 26, 29 e 35) sco cau della Ligia grischa surviu pli ni meins fideivlamein als interess spagnols e va ussa sco guovernatur a Sondrio, sefida Casati, de haver il meglier um per siu survetsch e ses intents. Era il nunci vegn a Cuera, insinuaus da Milaun anora de gidar tier l'expulsiun dils protestants ord Valtelina. Ii domini en la Ligia sura ed en las otras e sillia cuort episcopala mantegn la Spagna en tuttas damondas cun aur ed argien, ed aschi ditg, ch'ella sa e po, paga ella generusamein mintga survetsch als partisans. E serimna la dieta, sche vegnan ils deputai — tier ils novs elegi ei quei daventau usit — unschi. Aschia ha p. e. Francesco Casati il schaner *1646* all'entschatta della dieta e pli tard spendiu tras il canonic Bernardino Gaudenzio de Puschlav 1080 renschs\*). Sin quella moda vegnan las tractativas della dieta dirigidas. Alla fin della dieta instruescha igl ambassadur ils deputai, co luvrar e direger las votaziuns en lur vischinadis e cumins, surtut co els deigien redeger las opiniuns dils cumins, che vegnan tarmessas al congress sco resultat della votaziun.

\*) Ord ils quens de Casati: *1646*:  
 ils 2 de schaner a Conradin de Castelberg 160 scudis a treis liras per in survetsch,  
 ils 29 de schaner a Conradin de Castelberg 600 r.  
 a capitani Schorsch 900 r.  
 ils 30 de schaner a Christian de Florin 600 r.  
 ils 30 de schaner a Christian de Florin 100 scudis per in survetsch.  
 ils 21 de fevrer al Landrichter Calemburg 300 r.  
 agl uestg 600 r.  
 a canonic B. Gaudenzio 600 r.  
 al Landrichter Rud. de Marmels 300 r.  
 ils 22 de fevrer ad Ulrich de Collemburg 50 ducats.  
 ils 12 de mars a Gion Tscharner a Cuera 150 scudis,  
 ils 2 de matg a Rudolf de Marmels, Landrichter cass 50 scudis,  
 ils 6 de zercl. al cavalier Coray per spesas secretas 300 r.  
 Total cun ils suia numnai 1080 r. 16 080 renschs.

Ina resistenza encunter quella pussonza era buca pusseivla, mo ei deva tutina aunc „Franzos“, che figevan alla meta grondas difficultads alla Spagna, cura ch'ei retractava ded agiens interess. Tgei che tals havevan lu de pitir, ha *Conradin de Castelberg* saviu empruar. Conradin, il beadi de capitani Baschli, preziava sco ei para la carriera de ses per davonts en Frontscha, era sez sco capitani tras ses interess attaschaus a quella pussonza e vegneva per temps risguardaus sco cau dils „Franzos“ en Surselva. Ils interess confessionals, la posiziun viers la claustra de Mustér, dumandavan da l'autra vart risguards per la Spagna e Milaun, e Conradin purtava en quella situaziun empau sin duas schuiallas. Cun ils „frars concadenai“ (Kettenbund) haveva el preparau la revolta encunter Rohan, mo immediat sissu, avon che Rohan seigi ord la tiara, eis el puspei sebess davart della Frontscha e sco emissari viagiaus tras ils cumins della Ligia grischa, per reconciliar il pievel culla Frontscha, che s'offereva quels dis de restituir las tiaras subditas\*). 1639 era el cun auters partisans staus a Milaun ad affirmar il capitulat. Leu haveva il guvernatur empruau de dignar el en clara posiziun per la partida spagnola e fatg ad el bia bialas speronzas, per metter el a strada. Conradin ha lu era, sco cauderschader Florin, priu daners ord il maun de Casati (268 renschs) ed ils onns suondonts (pareglia 1641 e 1646) retschiert grondas summas ord la buorsa spagnola, e la Spagna ha vertiu el sco cauderschader. Quella tactica de Castelberg, de ballontschar denter las duas partidas, vuleva el mantener, pertgei mai havess la Spagna saviu porscher als Castelbergs ni ad auters Sur-silvans la beinstonza sco la Frontscha. Mo 1648 vegn el ellas stretgas. Ils 18 de december 1647 haveva il retg de Frontscha instruiu siu ambassadur *de la Barde* a Solothurn: en las Ligias reticas hagi el aunc biars amitgs, ed essend ch'ei mundi quels dis mal cun la Spagna en sias provinzas, surtut a Neapel e forsa gleiti a Milaun, sche deigi el haver igl égl aviert ed empruar de restabilir las veglias relaziuns cul Grischun. Quei selaschi far ton pli lev, essend che la Frontscha lavuri en las tractativas de pasch generala a Münster (Westfalen) per ils interess dellas Li-

\*) En ils quens de Frontscha stat sut ils 16 de matg 1637: a Conradin Castelberg, Landrichter della Ligia grischa tenor ordinazion e quittanza la summa de 100 livres per in viadi fatgs tras ils cumins della numnada Ligia. A Jacumet 300 livras per dus viadis en Valtelina. A. Dr. Sprecher 280 livras gratificaziun.

gias. Naturalmein ein Castelberg ed ils offiziers franzos ella Ligia sura gleiti seragliai per ils interess franzos, e Conradin vuleva lu el medem temps, per s. Gieri 1648, daventar cauderschader. Igl avat ed era igl uestg eran per el. Casati era bein instruius, che la Frontscha hagi l'intenziun de renovar las veglias allianzas e vegli en quei mumen surtut recruta. El haveva perquei dumandau a Milaun de tarmetter a casa ils colonels Rosenroll ed Enderlin ed ils capitanis Albertini e Wilderer, per ugliar en las vischnauncas encunter la damonda della Frontscha. Ton meins saveva el tolerar, che in adherent franzos sco Conradin de Castelberg vegni senz'auter cauderschader. Casati haveva perquei bien e baul cumprau las vuschs (incaperati tutti li voti) per il congress a Trun. Sin quei han Castelberg e ses amitgs stuiu ira tier Casati e dumandar grazia ed empermetter ad el, de duront quei bienni buca tractar sur ina prolungaziun ni renovaziun dell'allianza franzosa. Ils amitgs de Castelberg e surtut il colonel ed ambassadur Planta, che vuleva en la medema moda daventar cau dellas X dertgiras, han empermess de star buns per il plaid, daus da Castelberg a Casati. Quel ha perfin vuliu far desister Castelberg da sia cumpignia en Frontscha, e Castelberg hagi declarau de far quei, sch'ei detti caschun. El ei pia puspei daventaus cauderschader. Malgrad sias empermischuns ha el lu duront siu bienni stimulau igl ambassadur franzos tier tractativas, e quel ha fatg schegie mo precautamein ses pass. Il successur de Castelberg ei lu *Gallus de Mont* staus.

Quei era en quels onns il menader dils „Spagnols“ en Surselva\*). Ussa ha de la Barde 1649 offeriu la renovaziun dellas veglias allianzas. El ha schau sentir ils predicans, che la Frontscha seigi schizun prompta de vertir ils protestants en Valtelina ed ha lu era aviert sia buorsa, principalmein duront la dieta de 1650 (60,000 livras). La Spagna tiranisava empau memia fetg, e biars simpatisavan cun la Frontscha pervia dil survetsch militar. Castelberg ha ils onns 1650 e 51 duront quellas tractativas era susteniu da forza la Frontscha e cheutras lu grittentau Casati sil pli ault grad. Suenter che las Ligias han lu giu refusau l'allianza

\*) «Questo ha la maggior adherenza dei Cattolici e fu sempre capo della nostra fazione in detta lega», scriva Casati ils 7 de dec. 1665. Gia il matg 1648 haveva Casati dau agl uestg 576 r., per far in Landrichter catolic, ed a Gallus ha el furniu 1073 r. per ils cuosts de sia elecziun sco cau della Ligia.

cun la Frontscha, ha Casati voliu far radicalmein vendetga encounter Castelberg. Era gl'avat ha stuiu rugar, per survegnir sia pensiun de pli baul\*).

Igl onn 1651 ha Casati instradau sia campagna malurdada e malvuglida encounter Conradin de Castelberg. Per quella interpresa eis el sesurvius dil plevon *Dr. Mathias Sgier* en Tujetsch. Quei um haveva, sco ei para, gia barhau bravamein ella politica; talmein ch'el gudeva gronda attenzion en la Ligia sura. La Frontscha haveva era fatg emprovas de gudognar el per siu survetsch, cura ch'ei retractava d'ina allianza 1649 e 50; mo ella haveva giur negin success. Igl avrel 1652 ha igl avat Adalbert igl I tarmess el a Milaun, per representar interess della claustra. Sil pli tard igl onn avon para igl um passionau d'esser daus ella reit de Casati, dal qual Sgier ha pli tard viers la fin de sia veta burasclusa declara, el, Casati seigi staus sia sventira. Ils 18 d'avrel scriva Casati a Milaun e recamonda Sgier, che arrivi leu e raquinta las opras prestadas da Sgier encounter Conradin de Castelberg. *Casati e Sgier* havevan schau ira las tunas, ch'ils „Franzos“ veglien tractar cun la Frontscha e rumpar cun Milaun; il menader de quella truscha seigi Castelberg. Entras Sgier, il pli capavel e fideivel survient per ina tala interpresa, ha Casati continuau de mortificar Castelberg\*\*). Quel era vegnius dismess de mistral, ed ha cun agid

\*) Empau era la marschauna dad' en ellas finanzas de Milaun, ed il guvernatur pagava mo malamein siu fatg. Era il custode B. Gaudenzio ed igl uestg ston far endamen a Casati, ch'els spetgien sin sias grazias, v. d. sin las pensiuns secretas.

\*\*) Già a V. E. è noto con quanta puoca ragione e vano pretesto attestato con una compagnia, che accettò nel servizio di Francia prevaricasse il Landr. Castelbergh dalla divotione di Sua Maestà con essergli congiunta alla fazione contraria, et a suo potere procurata la rinovazione della lega di Francia non ostante che fosse stato al primo tra li Ambasciatori che furono a Milano a giurare quella di Sua Maestà; ne avendo prevalso molte offerte fatteli per ridurlo in istrada, fu espressamente di V. E. che si procurasse con ogni mezzo di mortificarlo, al che essendomi applicato, ritrovei il canonico Dottore Schgyer Curato di una parochia grande nel comune di Disentis di dove è nativo il Castelberg, il più capace e fedele per tal interpresa, la quale sendosi cominciata con molto frutto e dimostrazione esemplare verso detto Castelbergh, che fù deposto dall'ufficio di Landamanno in detta comune, non ostante che non avesse finito il biennio, questo col mezzo de parenti, et altri della fattione contraria, procura di risorgere facendo pratiche, spese non li giovaranno, mentre li amici all'incontro vengano sostituiti, sendo anzi risoluti di mortificarlo maggiormente culla prossima occasione, che si deve radunar tutto il comune ogni qualvolta siano aiutati, al qual fine, e per rappresentare a V. E. il bisogno, se ne viene espresso a Milano. Il medesimo Canonico Schgyer, al quale supplicando V. E. compiacersi benignamente dare intorno a ciò quel credito, che merita il finissimo affetto al servizio di Sua Maestà degno di esser riconosciuto dalla Magnanimità di V. E. a cui humil-

de ses amitgs e parents adumbatten emprau de seriscuder; ils survients de Casati han mo persequitau el pli ferm, e Casati ha recumandau a Milaun de pagar ils cuosts de quellas practicas \*).

Igl onn suondont (1653) haveva la Cadi de nominar il vicari en Valtelina. Castelberg ha dumandau quei uffeci, ils Plantas e Salis sustenevan el en quella mira; mo il cumin ha sut la bitgetta de Sgier e Casati surdau igl uffeci a Flurin Jacumet, e Casati ha dumandau a Milaun ina tratta, gia empermessa a Sgier e ses adherents, per pagar las spesas de quella nova truscha\*\*).

La dignitat de cauderschader, che Conradin de Castelberg haveva tonts onns gudiu, ei ussa tras Casati ida vi sin *Duitg de Turre* (1654).

Cuort sissu miera igl avat Adalbert igl I. El haveva giu relaziuns cun Casati e cun Sgier e manteniu quellas. Il niev avat *Adalbert ils II* (1628—96) era in giuven de 27 onns, *nevs de Conradin de Castelberg*. Sia elecziun han ils adversaris priu l'entschatta en pasch; il nunci ha benediu el ils 29 de september 1655 a Cuera ed intermediau igl enconuschent contract cun igl *uestg Gion Flugi*, tenor il qual quel venda agl avat Adalbert il dretg de collatura en las pleivs sur gl'uaul. Sgier cun auters Sursilvans vegn giu da Sedrun a Cuera. Tgei ei passau cheu denter Casati, Sgier, gl'uestg e forsa B. Gaudenzio, tuts della pasta de Casati, davos il dies dil nunci ed encunter igl avat, il nevs de Conradin de Castelberg — quei san ils documents buca de resdar. Mo ins va strusch en errur, sch'ins vesa cheu la continuaziun dil combat Casati-Sgier encunter il „Franzos“ de Castelberg e gl'avat e la claustra, che stattan ussa sut l'influenza de Landrichter Conradin. Aunc inagada vegn la partida mortificada e quei en in mumen,

mente raccomando. (Brev de Casati al guvernatur de Milaun, ils 18 d'avrel 1652.)

Il medem di scriva Casati a Camedi: Il Landrichter Castelberg, che fù zio del detto abbate et che doppo d'haver giurata la lega di Milano, fu dei primi a cercar d'introduurre anche quella de Francia, al cui effeto li fu data una compagnia in quel regimento di guardia. Rott, Représentation etc. VI, 503, pretenda: un transfuge Castelberg parvint a se faire élire Landrichter.

\*) In dils pli humiliteivels survients de Casati era Landrichter Florin. 1647 va el encunter a Casati tochen a Glion e cumpogna el sin claustra tier igl avat, nua la damonda dell'elecziun dil Landrichter vegn discussionada.

\*\*) Brev de Casati dils 4 de mars 1653. Trattas, quei fuva bullettas per graun, ris e vin, liber de dazi, ch'ins saveva retrer ord il ducat de Milaun; ils possessurs de quellas bullettas vendevan lu quellas ni la rauba cun in grond gudogn.

che Casati anfla per in ner basegns de vivificar ed animar la partida spagnola\*).

Igl autur e menader dil combat encunter la claustra ei senza dubi Sgier. L'ambiziun personala, la pissiun viers ils Castelbergs, la buorsa spagnola ed ils amitgs de Spagna, che serimnan sco ina muntanèra entuorn Sgier — quei ei la forza, che muenta igl um. Ina personalitat sco Sgier lai buca perreger dad auters e tolerescha negin, che survarga sia cresta. La „Cuorta memoria“ scretta sin claustra, probabel el temps dil combat della dieschma 1728—36, ei tendenziusa ed attribuescha l'acziun era als menaders della Cadi: Barclamiu de Turre de Breil, Giacun Berther a Mustér, Maissen ed auters, che mavan mo las vias, che Sgier „in um buca meins ambizius e violents, che lestigs e rufinaus“ indicava ad els. Igl avat figeva valer siu bien dretg; mo ei retractava de partida, pissiun e vendetga\*\*).

Sgier ha insinuau ils plevons en Surselva de refusar agl avat la duida ubedientscha, ed els han suondau quei camond. Il decan Gion de Turre a Trun, fegl de mistral Giacun a Breil, ha radunau ils plevons tier il capetel a Trun. Igl avat Adalbert ei comparius cun P. Maurus Cathrin ed ha mussau las bullas papalas ed il contract cugl uestg, approbaus dal nunci e dal papa. Tutina han ils plevons sco buns „Spagnols“ refusau de sesuttametter alla giurisdicziun digl avat. Era il nunci ha adumbatten admoniu las pleivs e lur spirituals ded obedir agl avat (ils 13 de nov. 1655). Las pleivs dil cumin de Rueun, nua ch'il giuven Gion Simeon de Florin cumandava las fiastas, han ils 17 de schaner 1656 perfin appellau a Ruma, supplicond per in commissari en quei fatg enstagl dil nunci, mo quei senza success.

\*) Casati ha ils 5 de schaner scret a Milaun: Ils vegls amitgs ein per part morts: colonel Jenatsch, Florin, Buen (Buol), Landrichter Florin, cavalier Planta, Rudolf Planta, Albertini, Beeli e biars auters, «e quelli pochi che restano sono raffrediti et impoveriti. Il farne di nuovi senza mezzi non si può: la qualità del paese, l'obliga, a fare molte spese per mantenersi nel governo, per popolace, et il popolo non seguirà, che con l'interesse. Li serviti militari presenti, non sono stimati per la scarsità delle paghe, e rigore delle mostre.

\*\*) Barclamiu de Turre, frar de capitani Duitg, ei 1615 e 16 staus mistral, 1619 e 39 podestad a Trahona. Cun siu frar mistral Giacun (mistral 1628) e Plasch Genal, il Bannerherr de Sumvitg, Martin Bundi, stalter Caspar de Platta e Crest Caviezel batta el, per spindrar la pussonza dil cumin viers l'abbazia (1634) encunter avat Augustin Stöcklin. Dil maun digl avat stattan Landrichter Gion Conrad de Florin, lu mistral en uffeci e Landrichter Conrardin de Castelberg il vegl. Giacun de Turre ei 1635 passaus en survetsch franzos sut Rohan a Clavenna.

Da Tschuncheismas 1656 ei Sgier arrivaus sin cumin a Mustér, accumpignaus dalla gronda part dils plevons sursilvans e da siu amitg Clau Maissen, il mistral cass. Sgier e Maissen han plidau tier il pievel e fatg valer, igl avat hagi la mira de vegrir en possess dellas pleivs e vegli lu era ugadar las vischnauncas politicas. Surtut para Sgier de haver accentuau l'ambiziun digl avat e della claustra, che veglien privar ils purs da „dretgs e libertad“. El haveva gie menau pli bauld il cumin encunter ils Castelbergs e capeva siu mistregn de demagog sco paucs auters, ed el ha victorisau. Maissen, che haveva susteniu el encunter ils Castelbergs ha era ussa dau agid. Sco niev mistral ei Giacun Berther, era in „Spagnol“, vegnius elegius\*). Sgier ha provocau ils conclus encunter gl'avat e l'abbazia: il cumin refusescha de renconuscher la giurisdicziun digl avat en las pleivs, ed igl avat sto surdar la bulla papala concernent il contract cugl uestg al pievel raspau a cumin — en verdad a Sgier. Aschia triumfescha il rabiau demagog sur nunci, papa ed avat, *applaudius dals prers e purs della Cadi\*\**).

\*) Giacun Berther, già 1641 pensionari de Spagna, era en emprema lètg 1635 maridaus cun Anna, feglia de mistral Barclamiu de Turre, 1649 en secunda lètg cun Maria, la feglia de Landrichter Conradin de Castelberg, cun il qual el era staus 1648 deputaus a Muri. El stava strusch en relaziuns pli intimas cun Sgier. Il pertratg de scarpar la bulla papala ha igl uestg Flugi exprimiu e buca Berther. El ei tuttavia buca staus il menader encunter gl'avat; ni il nunci ni Casati plaidan dad el. Pareglia era: *Berther, P. B. Il cumin della Cadi 1656.* La Cuorta memoria ei reproducida egl «archivio glottologico italiano VII, 197—254. Ella ha la tendenza de blasmar ils adversaris digl avat *Marianus de Castelberg en lur antecedenza*. Igl ei perquei grev de giudicar, tgei ei historic e tgei mo blasfemia.

\*\*) «Ma le mie diligenze lontane restano molto inferiori alle sinistre impressioni, con le quali il vescovo e i suoi aderenti presso d'un Popolo inclinato a dubitare, rendono sospetto qualsisia auguramente d'autorità nell'Abbate (Borromeo al Cardinal Rospigliosi, ils 22. VI. 1656).

A tal radunanza inviò Monsre. Vescovo il Canonico Custode Schier di quella stessa gente, e che fù curato in quelle parti da chi fece rappresentare a quella turba, che l'incorporazione delle Comuni ordinata da N. S. e da me esseguita, privava le loro Comunità del Juspatronato sopra essi, dandosi facoltà all'Abbate di poterci destinare chi volesse, con la quale ed altre impressioni infuriato, il popolo violentò l'Abbate a dargli il Breve, e Instrumenti tocanti tal materia, che ora si ritengono, da medesimi popolari con poca riputazione della Seda Apostolica, aggionte le beffe, che se ne fa il Vescovo, quale ardisce scrivermi, che il popolo doveva stracciarli, e farne pezzi come altre volte dice che seguì di non so qual Privilegio Imperiale nel medesimo luogo (29. VI. 1656).

Ho scritto a quelle Comunità con ogni più efficace modo per disingannarle di queste sinistre relationi, per le quali l'Abbate resta turbato non solo nel possesso da me attribuitogli, ma in pericolo ancora di maggiori pregiu-

Quella gada ha Sgier stuiu emprender de sehumiliar avon dretg e giustia, ch'el haveva aschi crudevlamein ignorau.

Il nunci fa valer sia autoritat e pussonza, schegie ch'el tema, che quei pievel vegni a tadlar pauc sin ses plaids, mo ton pli sin las menzegnas de Sgier e de ses adherents. Perquei ha il nunci surtut giu grond quita, de buca far ils menaders e purs pli malurdai, che quei ch'els eran, sinaquei ch'igl avat vegni buca en prighel, el stetti gie en „termini molto compatibili“. Daveras figeva il pievel smanatschas, de defender „ils interess digl uestg“, che s'accordavan aschi bein cun la vendetga spagnola, cun las armas viers gl'avat; leutier haveva igl uestg Flugi aunc condemnau ils paucs spirituals, adherents digl avat, e fatg beffas sur il breve papal. Sin quels rapports dil nunci al papa e nun astgond il nunci taccar igl uestg, ha Ruma ordinau de citar Sgier a Lucerna. El fuva la cuolpa, ch'il breve papal era vegnius „en mauns dil pievel“ ed era responsabels per la malgiustia viers gl'avat. Sgier ei comparius avon il nunci. Quel ha, per evitar in pli liung combat e per buca exponer igl avat als pugns dils purs, secumentau de far Sgier responsabels per il breve, e Sgier ha empermess al nunci de purtar il breve a Lucerna e metter el els mauns dil nunci. Quei ei era daventau. Sin quei ha il nunci, che ha ussa forsa renconuschiu, tgei fugava sut cozza, intermediau la pasch entras ina convenziun denter avat ed uestg. Ella ei curdada en senn de Sgier, ch'era denton il medem onn vegnius recompensaus per sias bravuras politicas; el era daventaus canonic e custode catedral a

---

ditii. Non spero ad ogni modo grande effetto di questi miei offitii, trattandosi con gente incapace e alla quale il vicino fomento delle menzogne opera molto più che i miei lontani argomenti di verità. (29. VI. 1656.)

Ho sinora procurato sfuggire qualunque estremo o di rigore, o di debolezza nel trattare col Vescovo sopra tal materia..... avendo egli per la parte di Disentis si malamente sollevato quel Popolo, che niuna quasi speranza resta di quietarlo, dichiarandosi voler coll'armi, quando altrimenti non possono, tanto li Cattolici, come Eretici, difendere, che al Vescovato non sia diminuito punto di giuridizione (6. VIII. 1656).

«Ne mancherò d'insinuare che la restituzione del medesimo (Breve) sia per agevolare quei rigore, che meritarebbe, e da quali senza precisa necessità mi asterrò per non metter all'incontro l'Abbate in qualche pericoloso cimento nella furia di quei indiscretissimi Popoli (17. VIII. 1656). Colpevole per conto della consegna del Breve Apostolico, estorta dal Popolo di Disentis dalle mani di quel'Abbate, le quali avendo per adesso lasciate in sospeso, ho stimato bene per più rispetti di permettergli il potersi a drittura portare a quella volta ad effetto di procurare, come mi ha promesso, la restituzione di detto Breve, nelle mie mani, che mediante il credito tenuto da esso presso quella gente (31. VIII. 1656).

Cuera. Casati haveva ussa il pli „capavel e fideivel um“, il niev menader della partida spagnola dameneivel \*).

Quei era quels onns leu necessari. La Frontscha figeva aunc adina l'uiara cun la Spagna e dumandava el Grischun tut ni nuot; surtut vuleva ella impedir il transit de truppa, che mava ord igl imperi sul Spligia e combatteva ell'Italia la Frontscha ni ses alliai. Gia igl atun 1656 era la dieta clomada a Tavau, per discutar las protestas dils „Franzos“ encunter quei transit, che survargava lunsch las truppas concedidas el capitulat de 1639. Casati ha a Cuera retschiert tut ses biars amitgs della partsura, denter els il Landrichter Duitg de Turre, Maissen ed ils auters deputai. Casati haveva dumandau 600 scudis da Milaun; ussa ha el gastau en casa sia ses amitgs, e dau ad els las pensiuns secretas, animond de gidar il retg de Spagna. El sez ha empermess tut bien; surtut ha el quels dis fatg tarmenta canera, che ina cumpignia Grischuns (sut Giacun de Mont) en survetsch franzos hagi gidau a conquistar Valenza (sper il Po). La dieta a Tavau ha fatg sia veglia ed ordinau als capitanis grischuns, de retrer lur truppas da Valenza, mo ils umens della dieta han lu era viult il moni e pretendiu, che Casati paghi finalmein ils deivets (pensiuns restontas e cuosts per la fortezia dil Steig), e surtut han ei remarcau, che las truppas en survetsch a Milaun seigien tractadas miserabla mein. La primavera 1657 ha bia truppa digl imperi saviu marschar tras nossa tiara. Casati haveva puspei fatg *Duitg de Turre* cauderschader. Quel haveva giu negina part allas truschas de Sgier encunter ils Castelbergs. El era in um cun buna savida, clars e decidius e detscharts. Cun igl avat Adalbert ils II stava el en relaziuns amicablas, e quel ei ils 22 de december 1657 staus a Breil padrin dil fegl de Duitg: Adalbert Duitg, pli tard Landrichter. Duitg de Turre era bein ferm attaschaus a Casati, mo buca sco ils auters en Surselva *tras Sgier* ed en dependenza de quel. Era Landrichter Benedetg de Capol a Fleim, elegius sil tierm s. Gieri 1658, era mess de Casati.

\*) La damonda, schebein Casati hagi giu art e part ella historia viers igl avat, ei buca de sligiar claramein. La buorsa spagnola ei quei onn vegnida aviarta fetg liberalmein: il decan B. Gaudenzio ha retschiert la gronda summa de 2750 r., Sgier per spesas 87 r. e 18 r., igl uestg 600 renschs, Gallus de Mont 210 r. Co Gaudenzio ha duvravu ils daners, di negin document, mo il pertratg vid Mustér vegn levamein. Tier la promozion de Sgier sco canonic ha Casati fatg valer sia influenza. Ch'ils caputschiners luvraven era encunter la claustra, era capeivel; els retergevan de Casati annualmein 200 r.

Las treis Ligias tractavan denton aunc adina cun igl ambassadur franzos a Solothurn sur la damonda dell'allianza. Casati dictava las rispostas e parteva silla dieta (fevrer 1659) puspei ora daners „per buca schar turnar a casa memia malcuntents ils deputai“. En il medem temps eran la Spagna e la Frontscha denter ellas en tractativas de pasch, ed ils „Franzos“ el Grischun meditavan sur la damonda: fuss ei buca pusseivel, ded annullar il capitulat de 1639 cun agid della Frontscha. Casati ha udiu quei pertratg ed offeriu de tschentar e pagar ina guardia de 150 umens, per che la dieta de Tavau sappi „deliberar e concluder libramein“, ed aschia eis ei daventau. Casati haveva sias bunas raschuns, de duvrar talas precauziuns. A Schiers ed en auters loghens eran ils „Franzos“ serevoltai, e dumandavan quen sur ils daners, che la Spagna haveva dau 1637, per catschar ils Franzos ord la tiara e per auters intents. Ins dumandava ina dertgira nauscha. Casati roga immediat a Milaun per 2000 renschs (333 dublonas), per unscher ils cumins, che dovevan votar, sch'ins vegli tschentar ni acceptar quella pretensiun. Mo la partida franzosa survegn era daners e spera leutier sin agid cun las armas ord igl Elsass. Ins senta, che la Spagna ei battida dals Franzos. Ils umens vivents de 1637: Bavier (prefect dil marcau de Cuera), guia Planta, capitani Schorsch e Landrichter Schmid de Glion veggan arretai; ils predicants a Cuera fugan en tutta devoziun encunter la Spagna e ses umens, ed il pievel raspau a Cuera damonda de mortificar u tgerlentar ils inculpai ni „paupers pucconts spagnols“ cun la corda sil tgierl. Quei anfla buca il pli — mo ins vul puspei serimnar ils 16 de schaner 1660. Casati plira en sias brevs a Milaun e dinus savein buca bandunar nos amitgs e survients; el dat 195 dublonas (ca. 1000 renschs) als „purs e paupers deputai“, tarmetta 600 renschs al nunci a Lucerna, per far cumprar munizion e tarmetter sureneu ella Cadi, e colonel Rosenroll, era inculpaus, fui, fa posta a Milaun per quater buots ni butschins puorla e vul sedefender. En Lumnezia, a Glion, pertut serageglian el medem temps era amitgs franzos.

Da Nadal 1659, enamiez quels viriveris veggan las novas, che la Frontscha e la Spagna hagien serrau la pasch sill'insla dils fasans ella Bidassoa (sils confins spagnols). La Spagna era veggida terrada. Mo ils dus rivals ella Rezia siaran buca la buorsa\*).

\*) Rott, VI, 646 pretenda il cuntrari, mo va en errur.

Casati va a Milaun, e tuorna lu spert, e la dieta a Glion dils 21 de schaner 1660 ei puspei turbulenta. Ils „Franzos“ damondan de tractar l'allianza cun Paris, e lur mira eis ei, de cun mintga remiedi derscher il capitulat de 1639. Els pretendan a Glion, che Milaun paghi tuts deivets: ils cuosts de 1637 etc. Casati drova stgisas, fa empermischuns, arva sia buorsa ad ins ed auters; el tema la dertgira nauscha encunter sia partida e surtut la gretta dils „Franzos“ viers il Landrichter Gion Guglielm Schmid de Grüneck a Glion, in dils inculpai\*). Era siu diplom de comt palatin, ch'igl imperatur ha dau ad el, vegn discussionaus, ed ei vegn proponiu de far berschar quei diplom à Glion sin piazza publica, „sco ina caussa che deschi buca alla republica libra“. Finalmein vuleva ins ina dertgira nauscha encunter tuts quels, che hagien 1637 gidau a catschar ils Franzos ord la tiara. Ils „Spagnols“ vegnevan en larmas tier Casati, ei setracteschi de lur veta, lur honur ed el deigi dumandar agid a Milaun. E Casati stat sco sin spinas, pertgei ei varga strusch ina notg a Glion, ch'ei vegn buca allarmau tut cun las novas, quei ni tschei cumin seigi en moviment e marschi encunter la capitala sursilvana. Quella malsogna sepegli pli e pli surtut en la Ligia grischa, ei seigi glieud senza giudeci. Aschia compareva 1660 l'aura politica a Casati. Il past, che el ha lu schau survir a Glion (per 800 r.), sto esser staus famus e haver quietau la stermentusa ragogna politica. Casati ei cuntents, ch'ei dat mo ina dertgira ordinaria pils inculpai: Bavier, Planta, Schorsch, Schmid sils 8 de mars, ed el entscheiva gia ad unscher ils derschaders. Ils de Portenza smanatschan cun las armas, mo la dieta ha concludiu: mintga derschader sto vegin persuls ni mo cun in sulet survient. La dertgira sesa lu il mars a Cuera e truescha tier gronds castitgs en daners, pertgei l'entira historia ha custau bia, e las sentenzias crodan els buns temps vegls suenter ils basegns ni las queidas silla buorsa digl inculpau, ni era tenor la pissiun dils ad-

\*) Duront la dieta a Glion, ils 21/31 de schaner 1660 dat Casati a ses partisans:

a mistral Caprez 10 dublonas de Spagna, fa 209 liras.  
 a mistral Clau Maissen duas gadas tras Sgier, 287 l.  
 a Landrichter Duitg de Turre 8 dublonas, 164 l.  
 a Gallus de Mont tras Sgier, per sefar Landrichter 22 dubl., 472 l.  
 a mistral Flurin Jacumet tras Sgier, 207 l.  
 a dus deputai de Giadina a Glion tras Vietzel, 184 l. 10  
 per il banchet general dils deputai della dieta sco usitau cun lur survients ed amitgs dil survetsch della majestad spagnola 800 l.  
 al plevon Christian Arpagaus (decan) de Lumnezia 6 dubl., 123 liras.

versaris. Casati haveva spetgau in pli grond effect de ses daners; mo el saveva ord experienza, ch'ei dat negliu pli bials tgaubrochels ch'ella politica. El roga per agid a Milaun, las cassas ein vitas, ed ils truai (mistral Buol 12 000 r., Schorsch 3000 r. etc.) tarmettan mistral Jenatsch a Milaun a dumandar agid. Casati dosta sco el sa. El dat 500 trattas (ris e garnezi) alla Bergaglia, 400 a Giadin' aulta, 300 a Schiers, Castels e Closters, 200 a Surset, 100 a Bergugn, 100 a Bivio, 200 al commissari Ercole de Salis, 200 al canonic Sgier, 200 alla abadessa de Mustair, 100 al podestad Dusch de Vazsu, 150 a Paul Giani e 150 a Calligari omisdus a Clavenna, 200 a mistral Dr. Scandolera, ensem 3000 trattas. Sgier, ch'ei cavalcaus cun Casati a Glion ed ha dau agid e cussegl duront la dieta, vegn era regalaus en uorden. Il matg sissu vegn Duitg de Turre puspei elegius sco cauderschader, sco Casati desiderescha e „va practicond!“

Denton deigi la damonda, schebein ins vegli tractar culla Frontscha in' allianza, vegnir delucidada a Glion silla dieta. Casati semetta a pagar deivets, e ses umens lavuran. Maissen ei per tals survetschs pli adattaus che Duitg de Turre; el ei pli uregius ed era pli survetscheivels a Sgier. Las relaziuns amicablas cugl avat de Castelberg allontaneschan Duitg de Turre da Sgier e da Maissen, che van ussa aschi bein a pèr. Landrichter Duitg saulta buca sco Maissen e Jacumet entuorn Sgier; tutina ha el tonta muntada, che ins astga buca negligir sia adherenza. Pli dependents da Sgier ei *Gallus de Mont.* La dieta dil schaner 1661 a Glion demuossa il fretg della lavur spagnola\*). Ils deputai

\*) Coira, 12 genaio 1661.

Nota del dannaro speso in servizio di Sua M. dal Co. Casate Francesco et avanzato: dalla Pensione ultime pagata a mezzo novembre 1660.

Al S. Landa Genazio per conto del Landa. e capo delle X Drittire doppie 8 di Spagna	8
Al medesimo per il capitano Francesco Sprecher di Partenz	8
Al Podestà Antonino	6
Al Landamann Caprez	10
Al Landamann Meyssen in due volte, per mano del S. Canco. Schgyer doppie quatordice	14
Al Landrichter de Torre capo della Lega Grisa	8
A Sr. di Leubergh in due volte per mano del Sr. Canco. Schgyer et in riguardo di promoverlo al futuro officio di Landrichter	22
Al Landrichter Schmid	10
Al capno. Giov. Salice di Tirani per aggiustar la differenza del Vicariato tra li Si. Buol, Genatio et Enderli	16
Al Landamanno Florino Jagmet di Dissentis per mano del Sr. Custode ed in due poste	10

concludan de buca plidar pli sur in' autra allianza che quella cun Milaun de 1639.

Ils risguards de *Gallus de Mont* viers Sgier han gest en quels dis lur muntada. Igl uestg *Flugi* miera il schaner 1661. Las partidas fan sco pli baul valer l'influenza tier l'elecziun. (Rohan aveva a siu temps 1635 pagau 200 dublonas per l'elecziun). Il niev uestg *Udalric de Mont*, elegius ord treis candidats, ei in um

Al Sr. Curato Arpagaus per due amici di Lunganezza	6
Al Sr. Biaggio di Porta per haver cohoperato al far cessare li rumori di Partenz	30
Al Landa. Wietzel in considerazione anco del suo viaggio fatto a Milano	30
Al Vicente Paravicino in tanto vin dolce inviatoli per mezzo de S. Paolo Giani	6
Landvogt Scarpatetto	7
Al Landa. Genatio	15
Al Sprecher di Partenz per haver aiutato a quitar quei rumori	20
Al capno. Giorgio	10
Al Landamanno Buol il giovine	8
Al cave. Galina	5
Al ministrale Leonardo di Vaz	5
Alli due deputati di Engadina alta per mano del Sr. Wietzel	9
Al governatore Giov. Planta	15
Al Podestà Floris Pelizari	7
Al Stadtvogt Enderli	12
Ambrogio Planta per relevar le spese della sentenza seguita a discarico delli Si. Capi per la demolitione del forte di Rhein	27
Al Barone di Altenstein per mano del medesimo Planta	14
Al medesimo Sigr. Ambrosio Planta per sua recognitione e spese fatte in queste occorenze doppie	40
Al Sr. Landa. Janet	14
Al Sr. Enrico et altro amico di Clostra per mano di Ambrogio Planta	12
Al Si. Landamanni Geronimo Salice, Amano Michel et Capitel Aman per mano del Signor Ambrogio Planta	20
Al Sr. Borgomeister Bavier	15
Al Sr. Landrichter Florinc	8
A Mr. Vescovo di Coira	50
Al Sr. Landa. Scandalera per onorario e spese in servizio di S. M.	12
Al Custode Schgyer per suo viaggio fatto a Milano et altre spese et ricompensa	20
Al Decano Gaudentio	25
Al Sr. Aman Gritz (Grest) di Cicers	3
Al Borgomastre Amadeo Erold in tanto vin dolce per mezzo del S. Giani (per la posta Lindau, Lachen, Altorf)	2
per altri messi	25
Per mancie alli Trombetti servitori della Città et archibigieri conforme al stile d'ogni anno per l'anno 1660 sedici ongari che fanno doppie	10
Spese per 8 giorni che mi sono fermate a Ilanz	9
Calo del baratto	100
	6
Totale	707

de veta exemplarica, politicamein dependents dagl aug Landrichter Gallus de Mont, e risguards visavi a quel havevan era promoviu el sco canonic\*). La primavera sissu tschenta Casati Gallus de Mont sco Landrichter e quei, sco el scriva, cun „unanim“ consentiment\*\*). Era ils auters uffecis (mistrals e geraus) ein curdai, mo senza breigias e spesas en mauns ded amitgs spagnols, e Casati vesa gia ordavon, co tutt vegnien lu duront la dieta a dar vid sia pial (tutti mi saranno al pelo). Gia igl uost 1661 ani mescha el Gion Simeon de Florin, il giuven, de preparar sia elecziun sco Landrichter per 1662 ed empermetta ad el de pagar ils cuosts. El ei era cuntents cun la Foppa, e gl'uestg dat perfin ad el las brevs de siu parents, il capitani de Mont a Paris, e sin quella via survegnan el e sia partida gia la stad da Paris las novas, ch'igl *ambassadur de la Barde* hagi puspei instrucziun, de tractar sur in' allianza cun las Ligias. De la Barde era sin via cun 500 000 livras per ils „Franzos“ en Svizzera ed el Grischun. Mo il retg de Frontscha haveva ordinau, de sustener ils catolics ed en cass de basegns perfin seligiar cun Casati per talas fitschentas.

Puspei vegn la partida en moviment. Claus Flütsch a Schiers ei alla testa dils bein pagai „Franzos“ en Portenza. Ils de Glion, Tusaun, entgins paucs de Lumnezia, Giadina bassa e Zezras vegnan e confereschan culs de Portenza (ils 4 de Nov. 1661), „senza dubio per seminare la medesima zizania nelle altre due leghe“. E Casati reparta cheu encunter sias trattas\*\*\*). Mo la partida spagnola po buca resister als „Franzos“, pertgei quella gada ei *de la Barde* detscharts, era ils de Monts han las lètgas, e Gallus de Mont sto per quei mument suondar igl exemplel dils Castelbergs. Il matg 1662 ei Casati decuraschaus, ils „Franzos“

\*) «in consideratione de quale fu fatto canonico, e dal conte Alfonso in mia assenza aggiuttato in questa residenza, nella quale si è sempre mostrato nostro amico (23 de fevrer 1661). Dio benedetto che ha chiamato questo buon uomo al governo della sua Chiesa, che tanto necessitava del buon esempio.» (Casati al guvernatur, ils 8 de mars 1661.)

\*\*) Fra 15 giorni poi si fa la mutazione dell'i offici, ed io insisto che li due Capi delle leghe Grisa e delle Dieci drittture cadano nelle persone del Landrichter Gallo di Monte, parente del suddetto Vescovo e del Landamanno Giovanni Sprecher di Partenz, che ha parte del servizio di Milano, ambidue confidenti del nostro partito, con speranza di sollevarli a suo tempo con le spese come con altra mia accenai a V. E. (Casati, ils 23 d'ayrel 1661).

\*\*\*) Alla Giadina 150, al commissari Ercole de Salis 200, a Sgier 150, a mistral Corradini a Puschlav 200, a Florio Schorsch ell'ustria sil Spligia 50 trattas.

ein pli e pli gagliards. Capitani Carli Salis a Maienfeld lai tras il predican envidar solemnamein la baselgiada tier el a meisa, sia casa stetti aviarta a mintgiri, che vegli beiber ni magliar. A Grüschen Portenza lai i! marschal de Salis ruclar las buots vin sin via e gastescha 64 purs. Il zercladur 1663 ein ils purs cultivai aschi lunsch, che Casati sto temer per sia pial, ed el fui ord la tiara; tutina vegn i'allianza cun la Frontscha snegada. Alla testa della Ligia grischa stat in brutal adversari de Frontscha, Clau Maissen; ad el ha Casati d'engraziar ina part dil bi success\*). Puspei ein ins a Milaun resolvius de far tut bien als Grischs ed organisescha tras Pieder Planta in regiment per Spagna e Portugal, mo la schuldada vegn leu maltractada e selamenta terribel e cun buna raschun.

La partida spagnola ha tutina curascha, igl uestg siarra ils 17 d'avrel 1665 ina convenziun cugl imperatur e tschenta uestg e capetel sut la protecziun dell'Austria, e quella spera saver far passar pli levamein las truppas tras la Rezia e de rabbitschar la Valtelina plaun e plaun en possess digl uestg. Il ruaus per la partida spagnola ei denton buca de liung cuoz. Il retg de Frontscha camonda a siu ambassadur (Mouslier) a Solothurn de tener igl égl aviert ed observar, schebein ils sentiments en las Ligias semidien buca en favur della Frontscha. Ils „Spagnols“ vegnan gest en quels dis en greva dispeta. Ton il barun de Planta a Razen sco siu quinau, omisdus catolics e spagnols, damondan gl'uffeci de Landrichter per il tierm s. Gieri 1665; ins smanatscha in l'auter cun las armas, e davos tier fuga Hercules de Salis, „in tgapper gagl, coluraus en aur“ miez franzos e miez spagnol. Las duas parts comparan avon Casati e surdattan ad el la decisiun! e Casati tschenta mistral Stiaffen Muggli de Domat, pli baul in pensionist spagnol, mo ussa in um mo pauc inclinaus a Casati e la Spagna, che dovei vegnir danovamein tratgs ella reit.

En quels dis gia s'approximescha *Gion de Castelberg* — il fegl dil Landrichter Conradin — e fa de bien amitg cun la speranza d'esser sustenius sco Landrichter igl onn suondont. Leutier compara ussa 1665 aunc in giuven de Flem, *Gion Gaudenz de Capol*, „questo si va facendo un bravo soggetto e fa dell'amico con speranza d'esser impiegato in una delle compagnie riportate

\*) Da 1665/67 ei Maissen staus cun agid de Casati sco guvernatur a Sondrio.

da Spagna dal Gianatio.“ Gaudenz Capol, quella uolp diplomatica en siu bien e schliet senn, era destinaus de menar ils Grischs tras biars embrugls, senza stuer schar la pial sco auters politichers dil temps. El medem temps sefigevan era il prefect Camillo Cleric, cun siu fegl il capitani a Milaun, Gabriel Beeli de Belfort de buns amitgs. Beeli vuleva era procurar a siu fegl ina cumpignia a Milaun. Podestad Dusch, in um de pintga muntada e senza adherenza, sepresenta. Il menader della partida ei aunc cuort temps Landrichter Gallus de Mont, mo per certas acziuns meins edificontas ed il menaschi surveschan Sgier e siu survient Maissen, che ha plitost il caracter de sbier. En la dispeta a Tumegl dattan quels umens agid a Casati. Sgier cavalchescha cun consentiment de de Mont a Milaun (uost 1665), per dumandar daners e muni-ziun. Casati emprova de quietar ses sura numnai amitgs. Il fevrer 1666 dat ei era ella Cadi in tumult. Ei va las tunas, ch'igl uestg de Mont vegli remplazzar ils caputschiners tras spirituals, e puspei cavalchescha Sgier en num de Casati si a quietar il pievel; el gauda aunc ussa cheu la favur.

Plitost per la Cadi ha en quels dis Clau Maissen survegniu ina muntada. Sia facultad ni quella della familia derivava ord Fron-tscha. Leu havevan ils Maissens giu lur intrada sco capitanis ell'armada. Clau Maissen haveva ord scuidonza ed ord auters motivs turschau cun Sgier encunter ils Castelbergs e la claustra, ed era tras Casati 1663 daventaus cauderschader. 1667 era el returnaus ord Valtelina cul num d'in stermentus tiran e scroc. Gia sias relaziuns cun Sgier e Casati demuossan, ch'el seigi staus in um, d'in turpigius gargiament suenter daners e d'in'ambiziun ord tutta mésira. En siu uffeci compara el sco in delinquent encunter humanidad e giustia, en politica in maltemprau mulissier senza remiers de cunsienza. Dasperas gauda quei mistral e cauderschader la favur dils prers en Surselva — muort sia influenza ed ils daners spagnols, che van tras sia detta en sac dils paupers plevons. Era mistral Camantonia en Lumnezia, mistral Zoller a Sursaissa, il Landrichter Caprez a Trun stattan da sia vart — tuts umens de natira dependenta. En quella glisch compara Maissen era a Casati. En Surselva ha Maissen tras sia impertinenta brutalidad dau bia grettas a siu temps ed a ses contemporans, ed ils umens de sia atgna partida spagnola han malgrad las mongias largias della cunsienza stuiu clamar el avon la dertgira criminala.

Ils vegls partisans spagnols eran i en fossa, auters sco Landrichter Schmid a Glion e Jenatsch en Portenza, haveva la Spagna schau a mesa via, e suenter quella davosa dertgira nauscha dils „Franzos“, era ei buca stau pli pusseivel a Casati de survegnir ni tschentar in bien menader, sco Jenatsch era staus, alla testa della Ligias\*). En Surselva ed ella Ligia grischa era Casati pli e pli s'attaschaus al giuven Landrichter Gion Gudegn de Capol (1641—1723), igl um, che haveva en quels dis la pli gronda adherenza en la Ligia grischa ed era il pli versau „el bien ed el schliet“\*\*). El haveva mesa cumpignia (appartenent pli baul a Jenatsch) a Milaun, e siu frar era litinent ella cumpignia Stuppa ella garda a Paris. Il litinent-colonel Buol representava il cau della partida spagnola ella Ligia della casa de Diu, e podestad Girolamo de Salis cun mistral Gion e Salomon Sprecher, ils amitgs de colonel Jenatsch, menavan las X dertgiras. Quei eran viers 1670 las petgas ni ils umens de confidanza de Casati, ils quals el saveva presentar a Milaun. Denter ils catolics della Surselva ha Casati negin um versau ni de tonta impurtonza, ch'el savess sefidar, aschi pauca muntada attribuescha el a Maissen ed era a Gallus de Mont, il giuven\*\*\*).

Era Sgier e Casati eran buca pli amitgs. Aunc 1669 havevan Sgier, Muggli, Maissen e Camillo Cleric operaun ensemene lu mulsch ora la „vacca spagnola“, sco sch'ei fuss in di de mesiras\*\*\*\*).

\*) Paul Jenatsch (1629—76) ei staus cau della X Dertgiras 1659, 63, 71 e 1675.

\*\*) La mumma de Gion Gudegn de Capol era Dorothea Schmid de Glion, sia dunna Amalia Schorsch de Spligia. El era gia 1661 staus mistral, e 1670 eis el daventaus Landrichter. Deodat de Latour scriva 1717 sur Capol: Il n'y a jamais eu en Grison plus versé dans les affaires que lui, ni plus habile politique, zélé, patriote, affable avec tout le monde, fin renard, ennemi déclaré de Greuth. In dils emprems adversaris ei all'entschatta de sia carriera politica Otto de Mont a Vella, 1671 guvernatur e 1691 Landrichter.

\*\*\*) Casati numna Capol, «il più habile, tanto al bene, quanto al male» silsuenter numna el de Salis, Sprecher e Buol e di: «questi fra gl'amici della nostra fattione ne sono li soggetti più habili, fidati e di maggior adherenza, perchè de' Cattolici non v'è soggetto habile, alla riserva del collonello Salice e del capitano di Schauenstein, francesi disperati, si come il capitano Salice fratello del medesimo Collonello, del quale nello stato presente non è da fidarsi (Casati, ils 11 de mars 1677).

\*\*\*\*) Ei setractescha d'ina allianza cun Holland e de clomar a casa las cumpignias libras en Frontscha. Clau Maissen sco cauderschader en uffeci (1669) retrai il sett. 322 liras, Stiaffen Muggli, il cauderschader, la medema summa. Il november paga Casati a 4 (?) caus cun quater deputai 2000 liras, a 12 auters deputai 1440 liras, al predican Paravicino 197, al predican de Valrein (detto il Rotondo) 63 liras. Quels davos pensionists paran de haver retschiert lur dota cun risguards sin la questiu dils caputschiners.

1671 entupein nus era gl'avat Adalbert de Medell, che cavalchescha cun dus paders e dus survients e quater cavals sco in vegl prenci sin in pelegrinadi politic a Cuera, nua ch'el gauda la hospitalitat de Casati. Era siu parents Gion de Castelberg ei denton tras las grazias de Casati daventaus Landrichter, mo la cumpleina confidonna della Spagna gauda el buc, surtut igl onn 1671, nua che la Frontscha damonda novas truppas. Tals prighels ston ins evitar. Decan Sgier cavalchescha cun siu survient tier la dieta a Glion, per survigilar las manipulaziuns politicas, e sil tierm s. Gieri vegn Maissen elegius Landrichter, el ei il dretg candidat per in tal moment e per turschar en senn della Spagna.

Cuort sissu ei l'amicizia denter Casati e Sgier scardalida mala mein. Igl avrel 1673 tarmetta igl uestg de Mont puspei Sgier, siu decan, e Lucerna tier il nunci. Quei um ei sia entira veta adina sin viadi en questiuns politicas; en mintga cass ein paucs clerichers dil Grischun stai ton en sialla sco Sgier. En num digl uestg damonda Sgier agid dal nunci Cibo encunter ils protestants pervia de lur secuntener viers igl uestg. Quels hagien ad Almens duront il survetsch divin bess crappa da fenestra baselgia en, a Fürstenau smanatschau de destruir la caplutta dil signur de Schauenstein; els veglien castigar igl avat de Mustér ed igl uestg, che hagien dau audienza agl avat Roccobelli ed auters jasters — e finalmein deigi Sgier tractar cul nunci suenter sia prudentscha. Sgier practicava puspei sco pli baul, per arrivar tier in' uiara confessionala. En quei senn ei Sgier era seviults tier Casati ed ha dumandau agid e smanatschau, sche la Spagna vegli buca gidar, sche sevolvien ins ussa tier la Frontscha. Casati rispunda: en quei cass occupassi Milaun puspei las vias ed ils confins. Mo Casati ei tutina ella stretga. Sia partida, silmeins ils menaders, ein quasi tuts protestants, surtut Capol, Buol, Jenatsch, ils predicans, ch'el ha tractau cun daners spagnols — el sa buca tolerar scarpanzas *confessionales*, el admonescha de tener pasch. Sgier cavalchescha puspei a Milaun e damonda leu agid, tut ei adumbatten, ins sa era leu che la partida spagnola ei per gronda part protestanta e che quellas personalitads mantegnan l'influenza della Spagna en las Ligias. Las vias de Casati e Sgier sesparten cheu claramein, suenter ch'ils dus umens han 20 onns fatg ensem

— 1671 cavalchescha il canonic Sgier cun in survient alla dieta a Glion sin quen de Casati (66 renschs).

ils complots politics. Mo Maissen resta aunc adina fideivlamein pendius vid la buorsa spagnola\*).

Malgrad quellas relaziuns vul Casati 1674 buca tolerar in protestant sco cauderschiader. Gion Rudolf de Schauenstein aspirrescha sin quella honur, e siu parents, igl uestg de Mont ed il nunci sustegnan el, mo Casati tolerescha era buca in „Franzos“ e tschenta Gion Simeon de Florin, predestinaus dad el gia in onn pli baul\*\*). Tier quellas tribulaziuns della partida spagnola vegn aunc la damonda dil *segneradi de Razen*, e quella meina Sgier e Casati tier novs e grevs conflicts.

### 3. Il combat per Razen, la fin de Maissen (1678) e de Sgier (1687).

Sgier haveva puspei inagada queidas tier in combat. Ils Plantas havevan pli baul giu empristau all' Austria 20,000 renschs ed eran dapi ca. 100 onns en possess de Razen. Il signur Gion Heinrich Planta a Razen udeva tier la partida spagnola, e Casati haveva 1673 aunc surdau ad el ina cumpignia en survetsch spagnol, che apparteneva avon al commissari Gion Travers. Quei commissari „igl um il pli discreditau e malign ella tiara, per

\*) Maissen ha tochen la mort retratg daners da Casati per ses buns survetschs; era ils adversaris de Maissen e perfin Sgier retraien aunc 1675 e 76 adina daners spagnols. Els quens de 1676 stat: a mistral Ambrosi Planta 138 dublonas; a canoni Sgier 40 dublonas d'Italia,

#### Pensiuns dils onns 1676/77.

A Clau Maissen sco renconuschientscha per divers survetschs prestai al retg de Spagna	120 r. (fiorini)
a Giov. Giorii 24 (ongari) per la sura numnada caussa	84 r.
a Giov. Batta. Camone per la caussa numnada 4 ongari	14 r.
a Gallus de Mont	100 r.
agl uestg de Cuera	372 r.
a Mathias Sgier per tontas spesas	236 r.
a Bernardino Gaudenzio 29 dublonas de Spagna, fa	199 r.
a Ludivic della Torre per la sura numnada caussa	167 r. 24 r.
a Gallus de Mont 16 dublonas de Spagna	99 r. 12 r.
a Clau Maissen per la sura numnada caussa	109 r. 24 r.
a Mathias Sgier, canoni per la caussa numnada	148 r. 48 r.
a Gallus de Mont 20 ongari	70 r.

Quei quen savess sereferir sin expensas de 1675 sin 76, pertgei Gaudenzio era morts 1675 ed ils pagaments a Sgier ein mo capeivels, sche Casati haveva forsa tema, che ina aschi impurtonta personalitat politica savessi midar gasacca. La «sura numnada caussa» ei forsa la damonda de Razen, sa denton era esser simplamein la pensiun.

\*\*) Gion Simeon de Florin ei staus cauderschiader 1659, 1662, 1668, 1671, 1674, 1680, 1686. Siu nevs Christian ei 1695, 98, 1701, 1704 e 1707 cauderschiader.